



ԻՐԱՎՈՒՔԱՆԵՐԻ ՊԱՇՏՊԱՆՈՒԹՅՈՒՆ
ԱՌՆՅՈՒՄԱՆ ՍԱՀՄԱՆԱԿԵՐԻ ՀԿ

ՀՀ ՔՐԵԱԿԱՆ ՕՐԵՆՍԳՐՔՈՎ
ԶԻՆՎԱԾ ՈՒԺԵՐՈՒՄ
ԽՈՇՏԱՆԳՄԱՆԸ ՀԱՄԱՐԺԵՔ
ԲՈՆՈՒԹՅԱՆ ՔՐԵԱԿԱՆԱՑՄԱՆ
ԱՆՀՐԱԺԵՇՏՈՒԹՅՈՒՆԸ

ՔԱՂԱՔԱԿԱՆՈՒԹՅԱՆ ՀԱՄԱՌՈՏԱԳԻՐ

Երևան | 2026

Անվտիագիր

2020-2025 թթ. ընթացքում Հայաստանի դատարաններում բնական 51 ֆրեական գործերի ուսումնասիրությունը վկայում է Հայաստանի Հանրապետության զինված ուժերում ֆիզիկական և հոգեբանական բռնության կայուն և համակարգային դրսևորումների մասին: Արձանագրված դեպքերը ներառում են պարբերական նվաստացումներ, հարկադրանք և բռնության տարբեր ձևեր, որոնք իրականացվել են ինչպես համաժառանգակիցների, այնպես էլ վերադաս-ստորադաս հարաբերությունների համատեքստում, իսկ որոշ դեպքերում՝ նախորդել ինֆնասպանություններին:

Չնայած նման արարքների ծանրությանը՝ դրանք հիմնականում որակվել և բնկվել են որպես զինվորական ծառայության սահմանված կարգի դեմ ուղղված հանցագործություններ՝ ՀՀ ֆրեական օրենսգրքի 519–521-րդ հոդվածներով: Նման հանցագործությունների բնույթի շրջանակներում լայնորեն կիրառվել են վարույթի բնույթի արագացված կարգը, նշանակված պատիժը պայմանական չկիրառելու ինստիտուտը, ինչպես նաև ֆրեական հետապնդումը դադարեցնելու և ֆրեական վարույթը կարգելու մեխանիզմները:

Ուսումնասիրության արդյունքները վկայում են համակարգային խնդրի առկայության մասին. նման վարույթներով պատճառ գնահատման չի ենթարկվում, թե արդյո՞ք նման վարքագիծը միջազգային իրավունքի և ՀՀ ֆրեական օրենսգրքի համապատասխան հանցակազմի իմաստով կարող է որակվել որպես խոտանգում կամ վատ վերաբերմունքի այլ տեսակ:

Սույն ֆաղափականության համառոտագիրը հիմնավորում է ՀՀ ֆրեական օրենսգրքի 46-րդ գլխում («Զինվորական ենթակայության կարգի և զինծառայողների կանոնադրության փոխհարաբերությունների դեմ ուղղված հանցագործությունները») լրացումներ կատարելու անհրաժեշտությունը՝ նախատեսելով առանձին հանցակազմ զինծառայողների կողմից դիտավորյալ ֆիզիկական ուժեղ ցավ կամ հոգեկան ուժեղ տառապանք պատճառելը՝ արգելված նպատակներով: Նման կարգավորման ներդրումը կնպաստի Հայաստանի միջազգային պարտավորությունների առավել արդյունավետ կատարմանը, ինչպես նաև զինված ուժերում կատարվող ծանր հանցագործությունների նկատմամբ համարժեք իրավական արձագանքի ապահովմանը և արդարադատության կանխարգելիչ գործառնության ամրապնդմանը:

Հիմնախնդիրը

Ուսումնասիրությանը բացահայտվել են զինվորական միջավայրում բռնության մի շարք կրկնվող դրսևորումներ, մասնավորապես՝

- տևական ժամանակահատվածում պարբերական ֆիզիկական բռնություն,
- արժանապատվության պարբերական նվաստացում և ստորացում,
- հարկադիր մերկացում,
- սեռական բռնության հայեցողություններ և նվաստացուցիչ վիրավորանքներ,
- սպառնալիքներ և ահաբեկում,
- վերադասների կողմից բռնության կիրառում ստորադասների նկատմամբ,
- բռնության գործադրում այլ զինծառայողների ներկայությամբ,

- հնագանդություն պարտադրելու նպատակով կիրառվող հարկադրանք,
- զինվորական հիերարխիկ համակարգով պայմանավորված կամ դրա միջոցով խրախուսվող չարաճախումներ,
- վարքագիծ, որը նպաստում է ինֆնասպանության ռիսկի բարձրացմանը և այն դարձնում կանխատեսելի հետևանք:

ՄԱԿ-ի խոստանգումների դեմ կոմիտեն բազմիցս մտահոգություն է հայտնել Հայաստանի զինված ուժերում արձանագրվող ինֆնասպանությունների և ոչ մարտական պայմաններում մահվան այլ դեպքերի բարձր թվի, ինչպես նաև ոչ կանոնադրական հարաբերությունների և հոգեբանական ճնշման շարունակական տարածվածության վերաբերյալ՝ որպես նպաստող գործոններ: Կոմիտեն Հայաստանին կոչ է արել ապահովել զինված ուժերում տեղի ունեցած բռնության և մահվան բոլոր դեպքերի, ներառյալ՝ ինֆնասպանությունների, արագ և արդյունավետ քննության իրականացումը, պատասխանատուների ֆրեական հետապնդումն ու պատշաճ պատժատեսակներով պատժումը, ինչպես նաև գոհերի և նրանց ընտանիքների համար արդյունավետ իրավական պաշտպանության և հատուցման միջոցների հասանելիությունը¹:

Ուսումնասիրության արդյունքները, որոնք հաստատվում են նաև իրավասու մարմինների պաշտոնական վիճակագրական տվյալներով, ցույց են տալիս, որ ՀՀ ֆրեական օրենսգրքի 450-րդ հոդվածը գործնականում չի կիրառվել զինված ուժերում կատարված բռնության դեպքերի նկատմամբ: Դիտարկված ժամանակահատվածում, չնայած արձանագրվել են պարբերական ծեծերի, հարկադիր մերկացման, նվաստացման, սպառնալիքների, հարկադրանքի և ինֆնասպանությանը նախորդած բռնությամբ զուգորդված վարքագծի բազմաթիվ դեպքեր, խոստանգման հատկանիշներով որևէ ֆրեական վարույթ չի հարուցվել: Փոխարենը բոլոր դեպքերը ֆինվել են բացառապես Քրեական օրենսգրքի 46-րդ գլխի 519–521-րդ հոդվածների շրջանակում:

Թեև արձանագրված արարքներից մի մասը կարող էր համապատասխանել ինչպես միջազգային իրավունքի, այնպես էլ ՀՀ ֆրեական օրենսգրքի 450-րդ հոդվածով նախատեսված խոստանգման կամ արգելված վատ վերաբերմունքի այլ ձևերի հատկանիշներին, դրանք որակվել են պարզապես որպես զինծառայողների միջև բռնի հանցագործություններ: Արդյունքում չեն կիրառվել այն հատուկ իրավական երաշխիքները, որոնք նախատեսված են խոստանգման դեպքերում անպատժելիությունը կանխելու նպատակով:

Ուսումնասիրությունը ցույց է տալիս, որ գործնականում բռնության գործադրման դեպքում ՀՀ ֆրեական օրենսգրքի 46-րդ գլուխը կիրառվում է որպես զինված ուժերում բռնության գործադրման որակման ինֆնաբավ և բացառիկ իրավական ռեժիմ: Թեև գործող օրենսդրությունը ուղղակիորեն չի բացառել Օրենսգրքի 450-րդ հոդվածի կիրառումը զինծառայողների կողմից կամ նրանց նկատմամբ կատարված արարքների առնչությամբ, խոստանգման վերաբերյալ ֆրեական վարույթների բացակայությունը վկայում է, որ իրավակիրառ պրակտիկայում զինված ուժերում բռնության գործադրման դեպքում Քրեական օրենսգրքի 46-րդ գլխի դրույթները փաստացի համարվում են հատուկ նորմեր (*lex specialis*): Հետևաբար, խոստանգման

¹ See, Concluding observations on the fifth periodic report of Armenia, CAT, Armenia, CAT/C/ARM/CO/5, 02 May 2025, paras. 26-27, available at <https://digitallibrary.un.org/record/4084312?v=pdf>; Concluding observations on the fourth periodic report of Armenia, CAT, Armenia, CAT/C/ARM/CO/4, 26 January 2017, available at <https://digitallibrary.un.org/record/1306830?v=pdf>

հատկանիւշներ պարունակող վարքագիծը պրակտիկայում որակվում է որպէս զինձառայողների միջև բռնության գործադրում՝ դրանից բխող իրավական հետևանքներով:

Արդարադատության ոլորտի մի շարք մասնագետների կարծիքով՝ զինվորական ծառայության ընթացքում կատարված բռնությամբ գուցորդված հանցագործությունները պետք է որակվեն բացառապէս Քրեական օրենսգրքի 46-րդ գլխի հատուկ նորմերով (*lex specialis*), քանի որ նույն գլխում արդէն իսկ առկա են զինձառայողների միջև բռնությունը բրեականացնող հատուկ դրույթներ: Նման մոտեցման արդյունքում զինված ուժերում կատարված ֆիզիկական կամ հոգեբանական բռնության դեպքերը, անկախ դրանց ծանրությունից, գործնականում չեն դիտարկվում խոշտանգման համատեքստում:

Այս մոտեցումը կարող է խթանել Հայաստանի կողմից խոշտանգումների և այլ դժան, անմարդկային կամ արժանապատվությունը նվաստացնող վերաբերմունքի կամ պատժի դէմ ՄԱԿ-ի կոնվենցիայով (այսուհետ՝ խոշտանգումների դէմ կոնվենցիա) ստանձնած պարտավորությունների նպատակը և էությունը: *Lex specialis* սկզբունքը չի կարող արդարացում հանդիսանալ խոշտանգման դեպքերի համար նախատեսված հատուկ իրավական երաշխիքների չկիրառման համար, եթէ առկա են խոշտանգում հանցակազմի հատկանիւշները:

Ուսումնասիրությունը նաև ցույց է տալիս, որ թե՛ նախաքննության մարմինները, թե՛ դատարանները չեն գնահատել, թէ արդյո՞ք արարքների բնույթը, ծանրությունը, նպատակը և կատարման համատեքստը պահանջում էին այլ իրավական որակում:

Արդյունքում գործող օրենսդրական կարգավորումները բավարար կերպով չեն տարբերակում սովորական բռնարարներն այնպիսի վարքագծից, որը նպատակաուղղված է անձին ֆիզիկական ուժեղ ցավ կամ հոգեկան ուժեղ տառապանք պատճառելուն՝ պատժելու, խտրականության ենթարկելու կամ այլ արգելված նպատակներով:

Գործող օրենսդրության բացը

ՀՀ քրեական օրենսգրքի 519-րդ, 520-րդ և 521-րդ հոդվածներով քրեականացվում են ստորագասի կողմից վերադասի նկատմամբ բռնությունը, ենթակայության հարաբերությունների բացակայության պայմաններում զինձառայողների միջև բռնությունը, ինչպէս նաև վերագասի կողմից ստորագասի նկատմամբ բռնությունը: Այս դրույթների հիմնական նպատակն է պաշտպանել զինվորական կարգապահությունը, ձառայողական կարգը և ենթակայության հարաբերությունները:

Սակայն դրանք չեն կարգավորում այն դեպքերը, երբ բռնությունը կիրառվում է հետևյալ նպատակներով.

- պատժելու,
- վախեցնելու/ահաբեկելու
- հարկադրելու
- նվաստացնելու կամ արժանապատվությունը վիրավորելու,
- ոչ ֆորմալ հիերարխիկ հարաբերություններ հաստատելու կամ պահպանելու,
- անձի ընկալվող կամ առկա խոցելիության հիմքով խտրական վերաբերմունք դրսևորելու,

- կամ դիտավորությամբ ֆիզիկական ուժեղ ցավ կամ հոգեկան տառապանք պատճառելու:

Դատական պրակտիկայի ուսումնասիրության արդյունքները ցույց են տալիս, որ ծանր և բարձր հանրային վտանգավորություն ունեցող հանցագործությունները ենթարկվում են նույն իրավական գնահատականի և պատժվում նույն կերպ, ինչ զգալիորեն ավելի ցածր ծանրություն ունեցող բռնության դրսևորումները: Նման մոտեցումը, սակայն, պատճան կերպով չի արտացոլում ոչ միայն տուժողների կրած վնասի իրական բնույթն ու ծանրությունը, այլև գինվորական ծառայությունը բնորոշ փակ, վերահսկվող և խիստ հիերարխիկ միջավայրից բխող առավել բարձր պատասխանատվությունը:

Հայաստանի միջազգային պարտավորությունները

Հայաստանի Հանրապետությունը ստանձնել է միջազգային պարտավորություններ, որոնք արգելում են խոչտանգումը և այլ դաժան, անմարդկային կամ արժանապատվությունը նվաստացնող վերաբերմունքը կամ պատիժը:

Այս պարտավորությունները պետություններից պահանջում են ոչ միայն ձեռնպահ մնալ խոչտանգումներից, այլև ներդնել արդյունավետ իրավական և ինստիտուցիոնալ մեխանիզմներ, որոնք կապահովեն խոչտանգման և վատ վերաբերմունքի կանխարգելումը, արդյունավետ բնույթով, պատճան իրավական որակումը, ֆրեական հետապնդումն ու պատիժը: Միջազգային իրավունքի համաձայն՝ խոչտանգման հատկանիշներ պարունակող յուրաքանչյուր արարք պետք է թե՛ իրավական, թե՛ գործնական առումով բնիկ և պատժի որպես խոչտանգում:

Միջազգային չափանիշները սահմանում են, որ պատժելու, ահաբեկելու, հարկադրելու կամ խտրականության նպատակով դիտավորությամբ պատճառված ֆիզիկական ուժեղ ցավը կամ հոգեկան ուժեղ տառապանքը պահանջում է առանձնահատուկ իրավական արձագանք, որն արտացոլում է նման վարքագծի բացառիկ ծանրությունը:

Մարդու իրավունքների միջազգային մարմինների կողմից բազմիցս ընդգծվել է, որ վատ վերաբերմունքի լուրջ դեպքերի ոչ պատճան իրավական որակումը կարող է խթարել բնույթով արդյունավետությունը և նպաստել անպատժելիությանը: Անպատժելիության վտանգն առաջանում է հատկապես այն դեպքերում, երբ արարքը պատճան կերպով չի բնկվում, սխալ է որակվում կամ մեղավորը չի ենթարկվում համարժեք պատժի²:

Մարդու իրավունքների եվրոպական դատարանը մի շարք գործերով արձանագրել է Մարդու իրավունքների եվրոպական կոնվենցիայի 3-րդ հոդվածի խախտում այն դեպքերում, երբ ներպետական մարմինները խոչտանգման կամ այլ վատ վերաբերմունքի փաստերը որակել են որպես ավելի թերևս հանցագործություններ, ինչի արդյունքում կիրառվել են ավելի կարևոր վաղեմության ժամկետներ և մեղավոր անձինք խուսափել են ֆրեական պատասխանատվությունից³:

² See, for example, *Chember v. Russia*, no. [7188/03](#), 03 July 2008, para. 61.

³ See, among other authorities, *Pădureț v. the Republic of Moldova*, no. [33134/03](#), § 75, 05 January 2010; *Velev v. Bulgaria*, no. [43531/08](#), § 61, 16 April 2013; and *O.R. and L.R. v. the Republic of Moldova*, no. [24129/11](#), §§ 73-74, 30 October 2018

Հայաստանում խոստանգումը ֆրեականացվել է 2015 թվականից: Գործող Քրեական օրենսգրքում խոստանգման սահմանումը համահունչ է ՄԱԿ-ի խոստանգումների դեմ կոնվենցիային, այն նաև բացառում է համաներման, ներման և վաղեմության ժամկետների կիրառումը խոստանգում հանցագործության համար: Բացի այդ, հաճախ առնելով հանցագործության ծանրությունը, խոստանգման գործերով կիրառելի չէ նաև հատուկ ընթացակարգը: Միաժամանակ, Քրեական օրենսգրքով սահմանափակումներ չեն տարածվում համաձայնեցման և արագացված վարույթի վրա, ինչի արդյունքում նույնիսկ ծանր հանցագործություններ կատարողները կարող են օգտվել այդ ընթացակարգից, եթե դրա դեմ չեն առարկում դատախազը և տուժողը:

ՄԱԿ-ի խոստանգումների դեմ կոմիտեն հստակեցրել է, որ Կոնվենցիայով սահմանված պարտավորությունները տարածվում են բոլոր այն անձանց վրա, որոնք պատահապես կամ փաստացիորեն գործում են պետության անունից, նրա հանձնարարությամբ, վերահսկողության ներքո կամ պետական լիազորությունների իրականացման շրջանակներում⁴:

Հետևաբար, զինված ուժերում կատարված հանցագործությունը, որը հասնում է խոստանգման շեմին, պետք է որակվի և ֆինվի որպես խոստանգում, այլ ոչ թե որպես այլ, հատկապես առավել մեղմ պատիժ նախատեսող հանցագործություն:

Օրենսդրության և միջազգային սայանների դատական պրակտիկայի վերլուծությունը ցույց է տալիս, որ խոստանգման առկայությունը պայմանավորված է ոչ թե դրա կատարման վայրով կամ ինստիտուցիոնալ միջավայրով, այլ արարքի բնույթով, ծանրությամբ և նպատակով: Այն դեպքերում, երբ առկա են խոստանգման հանցակազմի տարրերը, պետությունը պարտավոր է ապահովել նման վարքագծի որակումը որպես խոստանգում՝ անկախ նրանից, թե այն կատարվել է ֆրեակատարողական, ոստիկանական կամ զինվորական միջավայրում:

Ինչպե՞ս գործող խոստանգման դրույթները բավարար չեն

Ուսումնասիրության արդյունքները ցույց են տալիս, որ միայն Քրեական օրենսգրքի 450-րդ հոդվածի վրա հիմնվելը բավարար չէ խնդրի արդյունավետ լուծման համար:

Նախ, Քրեական օրենսգրքի 450-րդ հոդվածը պահանջում է պատժատար անձի անմիջական մասնակցություն կամ առնվազն նրա համաձայնությունը կամ թողտվությունը: Արդյունքում դրա կիրառության շրջանակից դուրս են մնում այն դեպքերը, երբ խոստանգման բնույթ ունեցող վարքագիծը դրսևորվում է համաձայակիցների կողմից, քանի որ շարքային զինծառայողները Քրեական օրենսգրքի իմաստով պատժատար անձինք չեն համարվում:

Երկրորդ, մատուցվող վարույթների որոշ դեպքերում բռնությունը կատարվել է ժամկետային զինծառայողների կամ համաձայակիցների կողմից՝ ոչ ֆորմալ ենթակայության շրջանակում, առանց բավարար ապացույցների, որոնք կհաստատեն անհրաժեշտ կապը որևէ պատժատար անձի հետ: Ընդ որում, գործող օրենսդրության համաձայն, ժամկետային շարքային զինծառայողները չեն կարող համարվել պատժատար անձինք:

⁴ CAT General Comment No. 2, CAT/C/GC/2, para. 15.

Երբ որդի, իրավակիրառ պրակտիկան հետևողականորեն նախապատվությունը տալիս է արարքների սրահները Քրեական օրենսգրքի 46-րդ գլխով նախատեսված հանցակազմերով: Արդյունքում նույնիսկ այն դեպքերում, երբ անձին դիտարկությանը պատճառվում է ֆիզիկական ուժով ցավ կամ հոգեկան տառապանք՝ պատժելու, ահաբեկելու, հարկադրելու կամ այլ արգելված նպատակներով, գործող կարգավորումները գործնականում չեն ապահովում խոստանգման պատճառ իրավական գնահատական և համարժեք արձագանք:

Ինչն՞ է անհրաժեշտ զինվորական ծառայությունը հատուկ ֆրեաիրավական կարգավորում

Նման դրույթի ներառումը ֆրեական օրենսգրքում չի հանգեցնի գործող հանցակազմերի կրկնության, այլ հնարավորություն կտա պատճառ կերպով արձագանքել զինվորական ծառայությունը բնորոշ առանձնահատուկ իրողություններին:

Մտադիտարկված վարույթները ցույց են տալիս, որ զինված ուժերում բռնությունը հաճախ տեղի է ունենում՝

- փակ ինստիտուցիոնալ միջավայրում,
- կախվածության և ուժերի անհավասար բաշխվածության պայմաններում,
- այլ զինծառայողների ներկայությամբ,
- գերիշխանություն հաստատելու նպատակ հետապնդող կրկնվող գործողությունների միջոցով,
- հրամանատարական կազմի թողություն կամ ոչ արդյունավետ միջամտության պայմաններում,
- այնպիսի իրավիճակներում, երբ տուժողները գործնական խոչընդոտների են բախվում բռնության մասին հայտնելիս:

Ավելին, բացի այն հանգամանքից, որ Քրեական օրենսգրքի 450-րդ հոդվածը գործնականում կիրառելի չէ շարքային զինծառայողների կողմից կատարված արարքների նկատմամբ, ինչպես նաև հաշվի առնելով զինվորական ծառայության ընթացքում կատարված հանցագործությունների նկատմամբ հատուկ նորմերի (*lex specialis*) մոտեցումը, գործող Քրեական օրենսգրքի 519-521-րդ հոդվածները կարգավորում են միայն ֆիզիկական բռնության դրսևորումները՝ իրավական գնահատականից դուրս թողնելով այն վարքագիծը, որը հանգեցնում է հոգեկան տառապանքի:

Միաժամանակ, մտադիտարկված վարույթների որոշ դեպքերում խոստանգման բնույթ ունեցող վարքագիծը իրականացվել է զինծառայողների կողմից՝ առանց ենթակայական հարաբերությունների առկայության: Այդ դեպքերում պարզ չէ, թե արդյո՞ք արարքները կատարվել են հրամանատարության համաձայնությամբ կամ թողությունով: Նման իրավիճակներում ժամկետային շարքային զինծառայողները չեն համարվում պաշտոնատար անձինք, հետևաբար նրանց նկատմամբ չի կարող կիրառվել Քրեական օրենսգրքի 450-րդ հոդվածը այն արարքի համար, որը պաշտոնատար անձի կողմից կատարված լինելու դեպքում կրակվել որպես խոստանգում, քանի դեռ հնարավոր չէ ապացուցել, որ այն կատարվել է հրամանատարության կամ առնվազն սերժանտական կազմի ներկայացուցչի համաձայնությամբ կամ թողությամբ:

Զինվորական ծառայության ոլորտին վերաբերող ֆրեաիրավական կարգավորումները հնարավորություն կտան ոչ միայն հարթահարել *lex generalis–lex specialis* հարաբերակցության հետ կապված խնդիրները, այլև

պատճառ կերպով արտացոլել զինվորական միջավայրի առանձնահատկությունները և ապահովել, որ Քրեական օրենսգրքի համարժեք գնահատի նման վարքագծի իրական ծանրությունը:

Առաջարկվող օրենսդրական բարեփոխումը

Առաջարկվում է ՀՀ քրեական օրենսգրքի 46-րդ գլուխը լրացնել նոր՝ 521.1-րդ հոդվածով, որը պատասխանատվություն կսահմանի զինվորական հարաբերությունների շրջանակում կատարվող խոշտանգմանը համարժեք արարքների համար:

Նոր հոդվածով պետք է քրեականացվի զինծառայողի կողմից դիտավորյալ մեկ այլ զինծառայողի ֆիզիկական ուժեղ ցավ կամ հոգեկան ուժեղ տառապանք պատճառելը՝ պատժելու, ահաբեկելու, հարկադրելու, խտրականության կամ արգելված այլ նպատակներով:

Առաջարկվում է ՀՀ քրեական օրենսգրքում կատարել հետևյալ լրացումը.

1. Հոդված 521.1. Զինծառայողի կողմից այլ զինծառայողի խոշտանգումը կամ այլ դաժան, անմարդկային կամ արժանապատվությունը նվաստացնող վերաբերմունքի դրսևորումը

1. Զինծառայողների վարքագծի կանոնների խախտումը նրանց միջև ենթակայության հարաբերությունների բացակայության դեպքում, որը դրսևորվում է մեկ այլ զինծառայողի նկատմամբ դիտավորյալ ֆիզիկական ուժեղ ցավ կամ հոգեկան ուժեղ տառապանք պատճառելով՝ տեղեկատվություն ստանալու կամ պատժելու, կամ նրան վախեցնելու կամ որևէ գործողություն կատարելու կամ դրանից ձեռնպահ մնալու հարկադրելու համար, կամ ցանկացած պատճառով՝ հիմնված ցանկացած բնույթի խտրականության վրա

պատժվում է ազատազրկմամբ՝ չորսից ութ տարի ժամկետով:

2. Սույն հոդվածի ուղին մասով նախատեսված արարքը, որը

- 1) կատարվել է մի խումբ անձանց կողմից,
- 2) կատարվել է ենթակայի կամ վերադասի կողմից,
- 3) կատարվել է սպայական կամ ավագ ենթասպայական կազմի զինծառայողի կողմից կամ
- 4) առաջացրել է մարդու առողջությանը միջին ծանրության վնասի պատճառում:

պատժվում է ազատազրկմամբ՝ վեցից տասը տարի ժամկետով:

3. Սույն հոդվածի առաջին և երկրորդ մասերով նախատեսված արարքը, որը

- 1) կատարվել է զենքի կամ մարմնական վնասվածք պատճառելու համար նախապես պատրաստված կամ հարմարեցված առարկայի կամ միջոցի գործադրմամբ կամ
 - 2) կատարվել է առանձին դաժանությամբ,
 - 3) անգրուշտությամբ առաջացրել է մարդու առողջությանը ծանր վնասի պատճառում՝
- պատժվում է ազատազրկմամբ՝ յոթից տասներկու տարի ժամկետով:

2. Խոշտանգմանը համարժեք երաժիշիֆների կիրառումն ապահովելու համար առաջարկվում է փոփոխել Քրեական օրենսգրքի հետևյալ հոդվածները՝ ներառելով նաև **521.1** հոդվածը.

- ՀՀ քրեական օրենսգրքի 7-րդ հոդվածի 2-րդ մաս՝ նույն հանցանքը կատարելու համար կրկին քրեական պատասխանատվության ենթարկելու բացառություն,
- ՀՀ քրեական օրենսգրքի 81-րդ հոդվածի 1.2-րդ մաս՝ գործուն գոջալու հիմնով քրեական պատասխանատվությունից ազատելու արգելք,
- ՀՀ քրեական օրենսգրքի 83-րդ հոդվածի 9-րդ մաս՝ քրեական պատասխանատվությունից ազատելու համար վաղեմության ժամկետի կիրառման արգելք,
- ՀՀ քրեական օրենսգրքի 90-րդ հոդվածի 7-րդ մաս՝ մեղադրական դատավճի վաղեմության ժամկետն անցնելու հիմնով պատժից ազատելու արգելք,
- ՀՀ քրեական օրենսգրքի 91-րդ հոդվածի 2-րդ մաս՝ համաներման կիրառման արգելք,
- ՀՀ քրեական օրենսգրքի 92-րդ հոդվածի 2-րդ մաս՝ ներման կիրառման արգելք,
- ՀՀ քրեական օրենսգրքի 473-րդ հոդվածի 1-ին մաս՝ հանցագործության մասին չհայտնելու քրեականացում

Փոփոխություններ ՀՀ քրեական դատավարության օրենսգրքում

1. ՀՀ քրեական դատավարության օրենսգրքի 464.1-րդ հոդվածը լրացնել 2-րդ մասի 5-րդ կետով հետևյալ բովանդակությամբ.

«5. մեղադրյալը մեղադրվում է ՀՀ քրեական օրենսգրքի 450-րդ հոդվածով, 441-րդ հոդվածի երկրորդ մասի 1-ին կետով կամ 521.1-րդ հոդվածով նախատեսված հանցագործություն կատարելու համար»:

2. ՀՀ քրեական դատավարության օրենսգրքի 458րդ հոդվածը լրացնել 2-րդ մասի 6-րդ կետով հետևյալ բովանդակությամբ.

«6) մեղադրյալը մեղադրվում է ՀՀ քրեական օրենսգրքի 450-րդ հոդվածով, 441-րդ հոդվածի երկրորդ մասի 1-ին կետով կամ 521.1-րդ հոդվածով նախատեսված հանցագործություն կատարելու համար»:

Առաջարկվող կարգավորումների նպատակը զինծառայողների համար խոշտանգման առանձին հանցակազմ նախատեսելը չէ, այլ ապահովել, որ զինվորական հարաբերությունների շրջանակում կատարվող խոշտանգմանը համարժեք արարքները ստանան պատշաճ համարժեք քրեաիրավական գնահատական:

Բարելավման ակնկալվող ազդեցությունը

Առաջարկվող օրենսդրական փոփոխությունները կնպաստեն՝

- Հայաստանի միջազգային պարտավորությունների առավել արդյունավետ կատարմանը,

- զինված ուժերում կատարվող ծանր հանցագործությունների ավելի հեզգրիտ իրավական որակմանը,
- սովորական կարգապահական կամ միջանձնային բռնության և խոչտանգման տարբեր պարունակող վարքագծի հստակ տարանջատմանը,
- ֆրեական իրավունքի կանխարգելիչ գործառույթի ամրապնդմանը,
- Արարքի ֆրեաիրավական որակման անհամապատասխանության արդյունքում անպատժելիության վտանգի նվազմանը,
- բռնության պատճառների և պայմանների առավել խորքային բնութագրմանը,
- միասնական և կանխատեսելի դատական պրակտիկայի ձևավորմանը,
- արդարադատության համակարգի նկատմամբ զինծառայողների և հասարակության վստահության բարձրացմանը:

Եզրակացություն

Իրականացված ուսումնասիրության արդյունքները ցույց են տալիս, որ Հայաստանի զինված ուժերում բռնությունը չի կարող դիտվել միայն որպես զինվորական կարգապահության առանձին խախտումներ: Որոշ դեպքերում, արարքը դրսևորվել է դիտավորությամբ զինծառայողին ֆիզիկական ուժեղ ցավի կամ հոգեկան ուժեղ տառապանքի պատճառմամբ՝ պատժելու, ահաբեկելու, հարկադրելու, նվաստացնելու կամ խտրականության ենթարկելու նպատակով: Նման արարքը կարող է որակվել խոչտանգում կամ վատ վերաբերմունքի այլ ձևեր:

Միջազգային չափանիշները պետություններից պահանջում են ոչ միայն մեղադրանքի արդյունավետ բնութագրման իրականացում, այլև արարքի իրական ծանրությունը պատճառ արտացոլող իրավական կարգավորման առկայություն: Զինվորական ծառայության դեմ ուղղված հանցագործությունների շրջանակում խոչտանգումը համարժեք արարքի հատուկ ֆրեաիրավական կարգավորման բացակայությունը թույլ չի տալիս պատճառ արձագանքել այս ծանր հանցագործությանը, նպաստում է անպատժելիությանը և թուլացնում է պատժի կանխարգելիչ ազդեցությունը:

Քրեական օրենսգրքի 46-րդ գլխում համապատասխան հանցակազմի ներդրումը կարևոր է այլ կլինի զինծառայողների իրավունքների առավել արդյունավետ պաշտպանության, մարդկային արժանապատվության վրա հիմնված զինվորական կարգապահության ամրապնդման և Հայաստանի միջազգային պարտավորությունների լիարժեք կատարման ուղղությամբ: